



Broj: A- /2018
Brčko, 01.11.2018.godine

SAOPĆENJE ZA JAVNOST

Zlostavljanje u službi// Potvrđena optužnica protiv policijskog službenika u Brčkom Optužen da je u obavljanju službe zlostavljao zaposlenika ugostiteljskog objekta

Tužilaštvo Brčko distrikta BiH podiglo je optužnicu protiv policijskog službenika iz Brčkog zbog osnovane sumnje da je u obavljanju službe zlostavljao zaposlenika jednog ugostiteljskog objekta u ovom gradu.

Optuženom policijskom službeniku Jedinice opće policije u Brčkom Srđanu Petroviću (41) stavljen je na teret da je na intervenciji po prijavi štete u jednom ugostiteljskom objektu u ovom gradu zlostavljao zaposlenika tog lokala. Petrović se tereti da je čuvara bašte lokala G.D. nakon prigovora na rad Policije, iako svjestan da se radi o starijoj i bolesnoj osobi, uhvatio za vrat, odgurnuo, a potom i udario u predjelu lica ugrožavajući mu tjelesni integritet i ljudsko dostojanstvo. S tim u vezi, Petrović je optužen da je kao službeno lice u obavljanju službe drugog zlostavljao, čime bi počinio krivično djelo Zlostavljanje u službi (*iz člana 179 Krivičnog zakona Brčko distrikta BiH*).

Podizanjem optužnice, koja je ubrzo i potvrđena pred Osnovnim sudom Distrikta, u kratkom roku okončana je još jedna istraga protiv službenih lica u Brčkom za krivična djela počinjena u vezi s vršenjem njihove funkcije.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

GLAVNI TUŽILAC

ZEKERIJA MUJKANOVIĆ